

# LOU GALETOU

FAI RIRE TOU LOU MOUNDE E N'ENGROGNO DEGU  
"PER DEHARGNA LOUS LEMOUCZIS"

CINQUIÈME ANNADA - LIMEROS 10

**DECEMBRE 1939**

DIE SO LOU LIMERO (no ve per mei)  
Abounamen :

PER AN, NO PEÇO DE CEN SO

Direct, Redact, Administraoi :  
LIMOGES, 21, rue d'Aïssé, telef. 58-48  
Cheque Postal : 127-53 Limoges




Photo Jove

Qu'ei dins no vieillo galetieiro qu'un faï lous meilleurs galetous !

## Veiqui lo pâto dau galetou dós meis de decembre

O M'O PARLA !	Cousiniô.	PER, FA PU AISA	Jan de Gano.
LOU SANS-CULOTO	P. de Faure.	BAVANT MOUSSUR LOU MERO	A. Chastanet,
LA CHANSON DU BARBICHET	Jean Rebiere	LOU SOUDART ABRAGA	Jan dau Mas.
LE BREJAUDO	de Soumias.	LOU CEINI	Lingamiau.

O jour d'aüei, gn'io mouyen de re fâ sei n'automobile, e, lo meita dô tén, no bouno voituro de rencon-  
tre forie vôt'refa. Seulemen, fô le troubâ de couflance. Per coqui voû sitei tranquilei en nan veire ô

## Etablissements BERNIS

"Service des Occasions"

31, AVENUE DE TOULOUSE, LIMOGES

Voû li trouborei lo voituro que vou fô, a d'un pri tout o fe rozounâble.

# GRANDE PHARMACIE BRUNOT

35-39, Place des Bancs  
LIMOGES

AUCUNE NE SERT MIEUX

Se bien pourta qu'el necessari,  
Per lou piti, mai per lou gran,  
N'a cha BRUNOT lou Pouticari,  
O miei de lo plaço dô Ban.

Expédition par retour du courrier dans toutes les directions

TOUTES VENDENT PLUS CHER

## O M'O PARLA !

L'io mai de cinquant'ans, sur lo plaço Royalo,  
Sur lou champ de Juliet, un vesio de boun vies  
Que se brandouliavan en pourtant no medaillo  
Sur lour revers d'habit et prenian lou soulei.  
Le gen per s'amusâ lo lour vian batisado  
Lo medaillo de Chocolat, car so couleur  
Li venio dau canou d'ent'un lo vio tirado.  
Prengu a l'ennemi au tem de l'Emperour.  
Un lo veû pus aujourd'ahuel, l'ei trop ancienne,  
Qu'ero, chacun io so, quelo de Saint-Heleno,  
Et lous grognards erian si fiers de lo pourta  
Et se tenian si drets que per lou saludâ  
Nous fasian un detour. Dins queu tem lo jonesse  
Aimâvo lous anciens. Notre pus grand plasei  
Erio de lour auvi racountâ lour prouesso  
Dins tous quis grands coumbats gagnas sur l'errangei.  
Quaucus avian jala lours arteis en Russio,  
D'autreis avian laissa lours pautâs à lena,  
Quis qui se vian crama lo peu en Italiò,  
O be perdu no chambo a lo Berezina,  
Mas lou pus fier de tous, de lo Gardo Imperialo,  
Un ancien grenadier qu'ero lou paï Marsau,  
Que vio segu partout, en bravant lo mitraillio,  
Et fort bien counegut lou piti Capourau  
O n'en parlavo tant qu'un jour soun camarado  
Lou canounier Bertrand, un autre Saint-Thoumas,  
Li disset : « Tu l'as vu, qu'ei n'affâ accourdâo,  
» Mas si ô t'o parla tu ne t'en flattâs pas ! »  
« Ah, si ô m'o parla ! Pus rôt dous cent ve qu'une ! ,  
Tenez : un beu mandi, après lo Moskova  
Quis que n'eran pas morts passavant lo revuyo.

Fosio talomen fret qu'avio lous dets coulas  
O canou dau fusi, et moun nas n'en goutâvo ;  
Mas de buffâ sous deis ô d'essujâ soun nas,  
Dins lou momen que notre Emperour se praimâvo,  
Dins lou ren, moun ami, li foulio pas countâ !  
Tous lous tambours battian coumo per li fâ feito,  
Presentavo l'armâ, car ô navo passâ.  
Tout d'un co lou veiqui, devant me ô s'arreito,  
En soun piti chapef. Et moun nâ de pissâ !  
N'en connaisse qu'aurian trembla coumo no feillo,  
Mas me dressei quand l'Emperour disset bien fort  
Davant sous generaus, en me tirant l'oreille :  
« Té ! tu seis qui Marsau ? Mouchô-te sale porc ! »

COUSINÉ.

(Limoges Illustré 1912)

LOU « GALETOU » SOUHATO DE TOUT SON CUER  
UN ANNADO JOVENTO A TOUS LOUS LEMOUZIS

## AVIS

Nous prejens notreis abounas que vesen sur lo bendo  
dau journal que lour abounomen ei choba, de bien n'en  
prenai note per mour de nous envoyoyâ l'argen d'au renou-  
velomen sitôt que la pâto d'au GALETOU pourra levâ tous  
lous meis.

## LAS BOUNAS MEIJOUS

La fennas an toutes meitie d'une machino  
a consei.

Las meilleures se trôben chez

**JAYAT**

18, rue du Consulat, Limoges

Un daus meilleurs refuges de le ville quei

**MARTIAL LAROUISTE**

13, rue Darnet, Limoges

V'autreis ly troubarez daus bijoux, de las  
môtrâs, daus reveils, de las pendulas et ô fai  
tott a fê bien las réparacis.

Per vei de bounâs récoltas, fô sennâ de  
bounas granas.

V'autreis las troubarez chez

**L. VILLENEUVE**

Marchand grainier

12, rue Othon-Pécenet, Limoges, Tél. 54-55

Lou peichadour bien arma soun mounta per  
lomî

**Pierre VOISIN**

lou specialiste reputa per las gaulas las plâ  
soulidas. Qu'oi se que las mounta se mei mo.

Tout pour la pêche aux meilleures conditions

45, rue Adrien-Dobesché, LIMOGES

Que fô co din lo vito per essei huroux ?  
Uno houno santa,

Uno fearo adorable

Et un bon poste de T. S. F.

Per vei lo santa, faut vous sugna...

Per vei lo femme idéale, faut la chercha...

Et per vei un bon poste de T. S. F. et pas  
cher, faut ma cha :

**GERMANEAUD**

29, Faubourg de las arènas, Limoges

que vous proumet de l'heuras délicieusas si  
v'autreis sabei la fleuri Paxour en écoutant la  
chansous.

Un troube aussi din queu magasin : lus-  
treis, lampas de chabe, potorio, flours d'appartement.

No drollo que s'en vaï en balado, bien maiado ei meta maridado !... Drollas, courez vite chaz

# QUEYROI

7, boulev. Louis-Blanc, Limoges

per maiâ votre parpaï !

Lou magasin ei toujours en brando de flour, coumo un vargef au mei de Mai !

# LOU SANS-CULOTO

Per lo bolado de Sen-Veturio moun viei tountoun Nonou, avan de parti, fague pervezi en viro d'un jente paleto nio. Fier coum' Artaban, lou veiqui parti en chami de fer, e aussito riba cougne so teito di lou crô que passo per dessourdinâ lou pu endurzi.

Cho lou Sufomen qu'o ovigue di lou crô, cho lou piti vi gri de soun ami Pichoune qu'o vio trouba à Sen-Veturio, e que coundicho lou boun couen, cho coqui, cho aurei, o vio bezouen de touto lo larjour do chami per s'en tourna à lo garo.

Lou traje ne li pareigne pa loun. O ne fugue pa di lou trin qu'o se mette a rouflâ pu for que lou bufe de notrei maroulierie... O reibavo do paradi, un paradi este lou vi gri de Varnei, l'epanol d'ovelio et grilounado sur lou gri, et la ridortâ dorodâ d'Aisso se motravan au prumier plan.

Nonou erio talomen fissouna di sou raibei qu'o sirio domoura di lou trin si lou empluya de Mounjauvi ne l'oiā pa fa dovola do wagoun.

— Votre billet, li disse un ajan.

Moun tountoun cougno so mo di lo pocho de soun sanculoto, e n'en ser un piti cartou bleu.

— Ce n'est pas ça.

— Vous couiouâ, bougre de moucandier ! Me prenei vous per lou fi de notrei Bourico ?

— Dépêchez-vous.

— Vous dize que qu'eï co. Ne fazai pas de votre flognar, en me vizan coumo n'eibadeica que vous sei.

— Ne soyez pas insolent, sinon...

— Ma gropau d'endunle, aprenei, moussur l'embrena, que di mo famillo n'io pas de fabrican de fausso mounudo... Quatre di ! moun rei gran pai erio « solidari di » d'in Couzei

e di lo parofio de Sen-Micheu, et co n'eï pa lo jen de cha nou qu'an jomai counegu qui cournifler de lo polico.

— Ma, moun armo, vou balie lou papier que m'o loutu votre sinje d'empluia de Sen-Veturio, que volei-vou de mai ?

— Assez ! Vous vous expliquerez mieux à la police.

Ma sur un sinne do massadour de bilie, dou ajan sossan Nonou sou lou bra n'avan lu menâ o violoun quan Cadiliou, lou mareichau, que vio vu lou co, lou fague lacha en poian soun traje d'E ngouleme à Limoje.

Ebaubi, Nonou tourno cha se, se fou o lie tout bilia, reiban o jandarmâ o empluia de la garo que per l'i soutirâ de l'arjen, l'i fissovan lou ba de l'eichino. Lou fissou n'avo si for que co lu revelie. O pourte lo mo a soun mau, que trouble-t-eu ? soun bilie de chami de fer.

Nonou n'aimo pa lo chicano. Aussito que fai jour, o se netio en pau, fou soun can en viro sei soulomen viza si lou poun do Mouli-Robau a chanja de plaço, e ribo a Mounjauvi au prumier trin. Tout s'eclierzi. O vio balia lou sei, a la plaço de soun bilie, l'etiqueto de soun paleto nio.

Quan t-o tourne o Mouli (m'eivi que l'auve d'enguero), o nou balie queu saje cosei :

Quan vous chata un sanculoto,  
Vous poudeï prenei no riboto,  
Ma per na en chami de fer,  
Viza lou vite de l'enver,  
Desur, desou, sur chaque faço,  
A tou papier fozei lo chasso ;  
En lour bougra d'etiqueta  
I vou forian enpreijouna.

PIERE DO FAURE.

Quand un o de bravas dens un ei toujours gente et un se porto bien.

Per vei de bravas dens fô n'a trouba un boun dentiste :

**Cabinet Dentaire R. Beyrand**

38, rue Elie-Berthet  
(Ras lo plago dous Bancs)  
BOUS SOINS, BOUN TRABAI ET PAS TROP CHAR

Is disen que tout ei char. Co n'eï gro vraf. V'autreis verrez qu'un po vei no bravo garniture de chambre per pau d'argent, si v'autreis âs lo bouno edeo de nâ fâ no visito a.

**L'AMEUBLEMENT GÉNÉRAL (Union des Fabricants).**  
Limoges — Place de la Motte — Limoges

TOUT CE QUI CONCERNE L'AMEUBLEMENT  
Tous genres. Tous prix

# LA CHANSON ]

(19)

Paroles de  
JEAN BREBIER

Musique de  
SOURFLAS

*Allegretto*

1<sup>er</sup> COUPLET

Notre humble Pa-tris —  
coquette en-co-re: U - ne fleur dé-co-re Son beau front pa-sché; Ce  
bi-jou, de grâce et de pa-é-si-e, Cet-te fleur chou-si-e C'est  
le bar-bi-chet. Son ai-le lé-gé-re et ex-pri-mi-va-ble Est  
une en-jo-i-euse Qui sait son mé-lier Et fré-lic sans cri-se, au  
gré de la be-ri-se U - ne juve ex-quise D'un sur-tif baïser.

*Refrain. Valse lente*

Pu-res fleurs d'i-de-al é-cla-ses Par-mi nos bois et  
nos val-lons, Les Li-mou-sines sont des ro-ses Les bar-bi-  
chets, des pa-pil-lons Pu-res fleurs d'i-de-al é-cla-ses  
Par-mi nos bois et nos val-lons, Les Li-mou-sines  
sont des ro-ses Les bar-bi-chets, des pa-pil-lons

Publiée avec l'autorisation de l'Editeur :  
JEAN LAGUENY, 14, boulevard Carnot, Limoges.



**Ce que**

Coumo quelo vieillo chansou lemouzino n'ai pas patoueiso nous n'aurian jamais gu l'edeio de l'imprimā dins lou « Galetou ». Mas las drollas que l'an damandavo sount püs finás que n'autreis, et las nous an bailla no bouno rasou. Las nous an dit :

« Qu'ei, au countrâli, un bounhur per n'autrás que lo « Chansou dau Barbichet » ne sio pas no chansou patoueiso, per mour que, quant lous nôtreis lo chantoran, lous Parisiens, lous Mietjournaus, lous Auvergnats, lous Nôrmands, lous Gascous, lous Bretôns, lous Cagouillards, tout lou moun-de coumprendro :

Les Limousines sont des roses,  
Les Barbichets des papillons !

V'autreis sabelz que lous soudarts de chaz nous sount

Un troubou quelo chansou chaz l'éditeur JEAN LAGUENY, 14, Boulevard Carnot, Limoges.  
et toutes l'autres chansous dau païs **Lo Briançò, Lou cuer de mo**

# DU BARBICHE

4)

2. COUPLET      Allegretto      I

Le po - è . te voit dans  
 ses bro - de - ri - es Des al - bâ - go - ri - es Qui le font ré - voir Et  
 cha - que re - pli de fi - ne den - tel - le Un peu lir re - vê - le L'art  
 sub - til d'aimer Dans l'am - é - ri - té de nos pa - y - sa - ges Gra -  
 - ci - eux vi - sa - ges Et va - les tremblants E - gré - a - ment par - mi  
 lan - des bruneuses Des ta - ches joy - e - uses Et des bouquets blan -

3. COUPLET      Allegretto      I

Gentel

Lors que vous par - sez bel -  
 les in - do - len - tes Gra - ei - les et lè - bres Et le front ai - lé Vous  
 é - tes ain - si que des fleurs mouvan - tes Dé - valent nos ven - tes En  
 long dé - fi - lé Ah ! sur vos fronts blan - lors - sez l'é - glan - ti - ne A -  
 - gi - ter, mû - tie - ne, Ses beau - fal - ba - bas; La rou - re d'a - mour, la  
 ro - se jo - li - e, Je vous en sup - pli - e. Ne l'ef - feuiller pas.

illo vÔ...

*belomen tons dau biais de l'Alsago. Et is disen que las fillâs de queu païs an dins lours piaus un tant brave parpaillô negre !*

*Nous ne soun, Dî marcei, jalouſâs de degu, mas co nous fario degréu que lou parpaillô negre, si amitôu sio-t-eu, faze oblidâ à nôtreis galants, lou parpaillô blanc de lour païs, lou parpaillô coumplasen que voudrio tant, deipei demo, ecartâ soan âlas, per laisse posâ lous poutous dans vainqueurs sur las jötas de las Lemouzinâs !*

Entre n'autreis quelas drollas saben que lous galants n'an pas lou cœur voulage et qu'is n'oblidien pas quelas que lous attenden, mas las siran hurousas de sabei que dins tous lous coins de l'Alsago is diran, et au besoin is chantaran, que las Lemouzinâs valen be qu'un n'en parle !

*Un li troubou aussi lou libre de chansous lemouzinâs de Jean Rebier Per divertî lo gen  
 Mio, Lou Turlututu, etc. — Damandas lou Catalogue gratis.*



## LO BREJAUDO

## Davant moussur lou mero

L'io re de tau qu'uno bouno brejaudo  
Per echôrâ et tundi lou parpaï,  
En d'un chabro, tant que l'ecuello ei chaudo,  
Lou boun paysan n'en damando pas mais.  
Si co n'ai pas no bien richo cousin,  
Faut per lô fâ couneitre soun metier,  
Et faut surtout la rabo Lemouzino  
Et lo pourâdo et lous chôs dau vargei.

Oui, re ne vaû uno brejaudo  
Coumo quelo qu'un fai mejou,  
Lo vieillo soupo Limoujaudo  
Ente l'un minjo lou brejou !

Essayâ-n'en ! Mettez dins lo marmito  
L'aigo, lou lard, dau pebre, de lo saû ;  
Fasez troutâ lountem ; quant l'ei bulido,  
Sertez lou lard et brejâ lou tout chaud  
Sur de lo saû dins no grando culieiro ;  
Remettez tout, lou lard, las legumâs  
Dins lou bouillou de votro marmiteiro ;  
Laissâ côsei et lountem coufinâ...

Oui, re ne vau etc...

Si per hazard en fan quaque voyage  
Vous passavâ pas trop loin de chaz nous  
Eilounjâ-vous jusqu'à notre village  
Un l'apelo lou « Piti Planchetou ».  
Notro fênero qu'ei bouno Planchetaudo  
Vous ressôbro de cœur dins lo mejou,  
Et vous faro minjâ de so brejaudo  
Ni mai goûtâ soun sabourô brejou !

Oui, re ne vaû uno brejaudo,  
Coumo quelo qu'un fai mejou  
Lo vieillo soupo Limoujaudo  
Ente l'un minjo lou brejou !

LECHODIEI.

## Per fâ pu aisa

Quant lou curé sertiguet de lo chambro ente lou par  
Châlicou roumelâvo, ô disset à las vezinâs que marmusavan  
dins un coin : « Paubras fennas, faut tout teneï preite, lous  
habits, lo chandello et l'aigo-beneito. D'un momen a l'autre  
Ô vai se chabâ ! »

Entau fuguet fa. Las pôseren sur la coumôdo lo chandello et l'aigo-beneito et las se preimeren dau liet. Lo mai Babissouno tenio lou paletot, lo Gigot-de-Moucho presen-  
tavo lous pantalous, lo grando Pissoroto pourtavo lo cha-  
miso empesado. Lo Mimirou ne pourtavo re, mas lo passet  
sas douas mas darrei l'épanlas de Châlicou qu'ero preite  
a ebadalia, et lo li disset douçomen :

« Soulevas-vous, pâi Châlicou, et ecartâs votreis bras.  
Prenez un paû de courage. Laissas-nous fâ, nous van vous  
billâ d'abord. Co ne sirio pas si aisa, dins un moment,  
quand vous sirez fret ! »

JAN DE GLANO.

Moussur notre mero avio préis so bleito  
Et dreibio soun code au chapitre siei,  
Coumo se deû fâ, per legi lo lei.  
Aus doux maridats. Lo noço ero preite.

Malurousament, lou nôvi, pareï  
Qu'ero, en queu moment gris coumo no choueito,  
Et Moussur lou mero, a notre pareï  
Disset : « Nas-vous en, sans tambour ni fleito.

Tournares demo quand aures durmi ».  
Et lou lendemo, notre boun ami  
Tournet pus sadou. Coumo se merito,

Lou mero se facho et le nevio ~~en~~ plour  
Disset : « Chaban n'en, co n'ai pas ~~no~~ vite,  
O ne dit mas oui quand o ei sadou ! »

AUGUSTE CHASTANET.

## Lou soudart abraca

Chaz lo Tant-Pito que te auberjo dau biais d'Oradour,  
dins lou pais de Jan de Glano, l'autre sei un soudart en  
permeci coumandet chopino de vi sei bromure, et damandet  
a couejâ. Lo Tant-Pito li faguet veire soun liet, mas li vic  
pas de chamínado dins lo chambro et lous lingos erian freis  
coumo glaço.

Eitabe, lo patrouno credet a so jêno pauchô que chabâve  
de repassâ lou linge dins un coin de lo cousin :

« Plejo toun fer dins no servioro et mounto lou à queu  
paubre soudart. Tu li diras : Voulez-vous lou fer, per vous  
echôra ? »

Quelo pauchô ei dins so flour. L'o vingt ans, un pareï  
de tetous coumo lou Taurioun dau Champ de Juliet, no  
croupo coumo no tauro et daus oueis que brulorian un pion-  
nier tout en vito. Lo mountet dins lo chambro dau soudart  
sei se fâ preja, mas lo tournet davalâ d'abord et l'avio den-  
guero lou fer en so mo.

« O l'o pas vougu ! » disset-lo.

« Foulio li erpicâ, faguet lo patrouno, ô n'o pas coum-  
prei ! »

« Si ô n'o pas coumprei qu'ei qu'o ei avuglie, sourd o be  
einoucen Li ai dit d'abord : « Per vous echôra, voulez-vous  
lu fer ? Et coumo ô ne repoundio pas vite, ai tourna dire  
en français : Pour vous réchauffer voulez-vous le... »

« Chabo-te, pito malhurouso, credet lo Tant-Pito, t'as  
fa un brave cop ! et qu'o-t-eu repoudu ? »

« O m'o visa en rire, et ô m'o dit en secoudant lo teito :  
Grand marceï de to bouno entenci, mo pito mignardo. Mas  
si tu voueis, nous li laissoran fâ. Co me dit re, sais trop  
braca ! »

JAN DAU MAS.

# LOU CEINI

Qu'ero un ceini, un bougre de ceini, un solepe de ceini, que tropai et que me bollie prou d'einei... mā coumençan per dire coumo devenguei pipeyaire.

Un mandi, ô piti Limôgei, dovan lou chomi de lo Gardo, nou jugovan à lo troyo.

L'i vio me, Francillou de châ Copourau et Pitijan de châ Cliveau. Nou erian qui a fâ vousniâ lo troyo a cò de trico ~~quan~~ nous vigueren lou merigliei que seurtio dô pra Chantorâna, e que pourtavo di no gabio dôu meillar qu'dô venio de tropâ en sou veichot. De gentei meillar, mo fe, dôu malei. Ô n'en voullo chiei blan peço, sin sô lou dôu.

Qu'ero un boun pri, ma di queu ten, là sonâ n'eichin-davan gaire di mâ pochâ.

Bouei ! qu'ei tro char, dissei iô, si vole dô meillar, forai coumo te, en dôu sô de veichado n'en troporai.

Quan moun merigliei fugue parti, nous disseren tou : Tropan dô oseñ ! L'i ei co ? Co li ei ! tropan n'en.

D'obor, me dissei, fô chotâ de lo veichado.

Per dôu sô un n'en baïllo cha lou pouticâri, ma lo ne vau re, que coumo de lo jemo. Lo bouno se ven cha un peiroulei de lâ Tonoriâ, a Limogei. Mâ ô n'en baïllo pa per min de quatre sô, e beloren re, un mijou, gro coumo no neuzillo : qu'ei un voulleur. Vau be mier n'en fâ, cò ne coutori re, en tau n'oran tou : là sônâ, la veichado e lou ozeñ que nous pouran vendre.

Vio counegu un vale de pouticâri que pilavo lou cotamei, que sobio fâ lo veichado e que me vio di coum'ô fojo. Co n'ero pa bien difficile e nous n'eiren tou trei, me, Francillou e Pitijan, charcha no grofouillado o foun dô pra Deminjei. A qui, nou nous meiteren a pelâ lou grafe. Nou nou spinerei be prou ; mâ o bou d'un momen, nou vian no pleno blouso de peu. Nou n'en fogueren trei ô quatre poquei que nou nerent cougnâ sou un moudelou de femiei per iô fa bien bougna e chôfâ. Qui lour dissei : « Que degu ne vegne mogna co. Di ue jour soulomen nou vendran chercha di lou bouen, nou veiran be coumo co siro. » E nou partigueren...

Lou oauquei jour que segueren fugueren plo loun. A tou momen, lou diable ne charmenavo de nâ grovechâ sou lou femiei per veire ce que devienio lo peu de grafe : mâ tou poriei chobei d'epera lou dilâ de l'autre semâno.

Doun, queu dilâ, lou mandi, plo dabouro, nou neiren deibrechâ lou bouen, e Piere de cha Posserau, que nou trouberen en chomi, vegue coumo nou.

Riba ô ta de femiei, e nleven lo bouzado que boravo lou bouen, troubei dessou mai d'uno doujeno de pouss'eitroun que li se vian luja.

— Ah ! molhur dissei-iô, pervu que qui bougrei de lechodiei ne chan pa vengu qui per minjâ lou grafe !

Cougnai mo mo di lou crô e sertiguei un poque tou negre, tou japi. Ne guessâ pâ di que co fuguesso lou grafe, co n'ero pû verdignar e co pudio.

— Qu'ei puri, co ne vau re ! disse Francillou.

Pertan, en iô magnan, sentio be que qu'ero un pau

mialou e en iô soran di lo mo, qu'ero moutle e co jutavo coumo dô pousta.

Posserau que ne sobio pa nôtrei ofâ, e qui visâvo co en se grotan, disse :

— Que volei vautrei fâ de quelo besugno ?

— Qu'ei per tuâ lou peu, dissei-iô ; te que n'en sei confessi, si tu volei que te frete un piti en quelo poumado, tu sirâ nella a foun ; lou peu e lâ lendei tou siro creva demo, e jomai pu n'en vendro pen di to teito.

— Ah ! plo bougre de meissoujei ! disse-t-eu.

— Te ! que jomai pu lo baisse, si co n'ei pa vrai. Quei lou pai Fâcherbei que iô m'o aprei, tu li domandora si ai menti.

— Ei be ! freto m'en, se di, si co ne fai re n'en sirai quite per me lovâ li no levâdo, mâ te foute moun bille que tu troubora de lâ mouchâ pijà di tâ molina.

Vio lo pougnado de pâtô pudignouso di lo mo, coumençei de l'eissegâ di lou piau de l'omi Passerau. Mai fêtavo, mai co jâpicho, talomen qu'a lâ fi lou piau n'en segian e que mo mo erio tropâdo.

Ah ! tounier ! qualo chanço qu'ero bien de la veichâdo, e de lo bouno ; si bouno que per netiâ mo mo, fugue frêza mai de dôu jour en de lâ eendrei, e per netiâ lo teito de Posserau, fugue mai d'un mei. Quan souâ piau fugueren prou lou un lou li coupe sou lo croûto de veichâdo que li servio de bouné, talomen que lou paubre diable vio l'er d'essei coueifa en quelâ vieillâ bouzâ sechâ ente van nicha lou greu.

Mâ tournan a notro veichâdo.

Quan viguei que co virâvo si bien, nei tirâ ce que restâvo di lou fumiei, e nous n'eiren lo lovâ, lo brejâ, lo bien tirâ di lou piti ri dô Mountin; co n'en fogue ô min per quinze sô. Di lou tolli de lo Nujorio nou fogueren dô veichot en dô rejitoû de pude et nou rentreiren a meijou.

Mâ nou manquavo caucore per plejâ veichado e veichot ; nous foullo no fellio de parjomi. Lou pai Petossou n'en vio be un bouci que vio brecha un libre ; châ lou Copourau l'in vio be n'autre bouci que vio brecha dô cournichou, mâ qu'ero tro piti.

Nou erian tou de boun di lo peino, di l'enborâ, quan me vegue l'edeyo que vio vu di lou groniei de la merorio lou tambour dô tambourinaire. Co fugue tôt fa. Nou n'eiren châ lou pei Lèveille qu'ero adjouer.

— Moussu Lèveille, volei you que nou boueitan lou groniei de lo merorio ? O ei tou sâle, co nou omusoro.

— Plo, plo, moû piti mignar, vautrei forei bien. Si qu'ei bien netiâ, vou forai mounta a moun sirei.

E nou mounteren di lou groniei. Mâ ô ne fugue pâ bien netia et nou ne mounteren pâ ô sirei. Ce que nou gueren, co fugue lo peu dô tambour que nou couperen tou lou tour en lo serpo de Pitijan. Qu'ero plo no bouno serpo, co fugue fa en re de ten. Qu'ei deipei quel ofâ que lou tambour ser a Lèveille per mesurâ sonn bla.

Queu meimo jour, nou enbreneren bien lou veichot, nou

# HENRI ESDERS

O vend boun et boun marchâ et n'ien n'o per toutes las boursas  
RUE ADRIEN-DUBOUCHÉ, A LIMOGES

loû loû plejeren di lou parjomi e lou merigliet nou preite so gabio...

Quete co, n'erian bien mounta, nou poudian nâ a lo pipeyo !

Mai nou li n'en foute ! Nou li oneren mâ no ve, mâ fe de plai ! co fugue no bouno ve.

Li vio di lou plai de la tero dô Assei un gro chue! bien grona, bien modur, que loû ozeu coundichan plo. L'in vio toujour cauquo doujeno qu'erian qui a piaillâ, a se picha, per se garni lou jabo en la pitâ moura de chuei. Qu'ei qui qu'un divendrei mandi (jour de molhur), me, Francillou et Pitjan nou nou meteren en pipeyo.

Sur chaqu' teito de chuei nou coueijeren dou veichoû douba en crout. Quan tou fugue choba de garni e bien douba, nou aneren tou trei nou agrouâ di un grô chaten evenira qu'erio un pau louen. Aqui, bien pouna, nou sortian un pau lou nâ de chaque couta per veire si loû ozeu venian.

I venian be, mâ li o re de si si que qui bougret d'ozeu. I venian, vouleovan coumo per se posâ, mâ quan i vejan loû veichoû, i tournoyan foute lou can sei re mogna, e co durâvo entau deipei un momen.

— Nou soun embouzina, disse Francillou.

Li toutel un co de pouen : E mâ, chorougn, li disse, haro toun be, l'oguersâ tu ple de merdo... obe vai t'en si tu volei fâ dô bru.

O mete so mo sur sâ bouchâ per ne pû parla.

A queu momen no couorouyo ribe e se mete coumo lou autrei a vouletâ ô dessur dô chuei, mâ n'autr'ozeu verdignar, que vio pô sei doute de veire minjâ so part, ribe dre sur lo couorouyo, li foute un co de be e s'eichale en plé sur loû veichoû. O se mete de floquerâ, de s'embrenâ e tounbe ô pe dô chuei. O goio, nou courgueren dessu.

— Qu'ei no verdauno, disse Pitjan.

— Qu'ei un verdier, disse Francillou.

— Mâ nei, disse-iô, quei un ceini.

Co n'rio plo un, mai un jente male.

Un se mete de rire, de chantâ ; co coumençavo bien.

Lot astronômeis daus journaux se troumpen suven, mâ lous barometreis se troumpen pas, surtout quant is venen d'uno meijou de coundance coumo

**GAUTIER-LAVIGNE**  
13, rue Saint-Martial, Limoges. Téléphone 51-68

Is troubarent dins quelo meijou de las linettas do primier choix et pas char per legreisa et sei peno l'amusant « Galetou ».

LOU BOUN LIBREI !

LOU BOUN PAPIEI !

**LIBRAIRIE PALISSON**

E. DESVILLE, Succ<sup>e</sup>, 5, place Fournier, Limoges. Tél. 27-52

Que parlo tabe patouei coumo françoi

Deibrenei lou ceini, lou meitei di lo gabio e me pounet per netiâ loû veichoû. N'rio pâ sitô pouna que Francillou mosse lo gabio e foute lou can en credan : Lou jandarmâ ! Me, pensavo qu'o voullo me couyounâ e li credeï : Si tu ne tourna pâ qui quelo gabio, t'orâ tanto lou pû brave co de pe di lou cû que... Sentigui caucore sur moun epanlo, me devirei, qu'rio un jandarmo que me tenio ! Ah ! paubro de Di ! Quau jandarmo ! O erio gran... gran... Jomai pu de mo vito n'ai tourna veire de si gran !

Ah ! ceini de mosjur ! Si v'autrei me volei creure, n'opreinei pâ a fâ lo veichado. Li ogue prouce verbau, tribunau, jujomen ; fuguet coundana a beuco de besugnâ, e vou reipounde que lo veichado me pudio. Me ropele mâ lo fi do jujomen : *Condamné sans discernement, en temps prohibé, aux engins prohibés !*

Erio coundana aux engins prohibés, ne sobio pâ ce que qu'rio ; mâ can-i-ovigusi tou co, fouiei lou can, degu me reite e n'ai pû deipei oï parlâ de re. I m'en obliada.

E lou ceini ? ribe, per chobâ, veiqui ce que ribe :

Lou diomen d'oprel, mounter sur lo placô do tribunau ent'un ven loû pijoï e loû ozeu. Li troubei l'oni Francillou que vio pourta lou ceini di so gabio per lou vendre e que lou fojo marchanda, devinâ a qui ? Vou ne devinoria jomai... ô jandarmo que me vio fo tu lou prouce-verbau ! Pio ! a se meimo. Francillou n'en voullo çin sô ; lou jandarmo n'en voullo mâ bollâ trei... O chobe per lou vei a quatre sô e l'enpourte châ se. Si vous possê dovan lo jandarmorio, vou pourei lou veire ; ô li e denguero di no jento cajo a lo feneitro do prumiel...

Per me, deipei quel oïa, sei devengu tou beitto ! N'ai pa pougu coundreini qu'un aye l'eimendo can-t-un trâpo un ceini ô Pitti Limogi e qu'un n'en fasce de l'argen dovan lou nâ dô tribunau. N'ai pâ pougu dejeri qu'un vesce dô ceini a la feneitâ de lo jandarmorio, e que qui que lou trapen chan coundana aux engins prohibés.

Quei plo a deigoutâ de là lei. Moun armo, là soun pro-pâ, là lei ! E si vautr'ei li coundreini caucore, eibe, qu'ci que vou sei pu fi que me.

Un viei proverbe dit qu'a no bravo teito tant va bien. Qu'ei belen he vrai. Mâ lous chapeus de chaz LEBUR fan mier que co : mettez-lous sur no vorro teito, lo parei bravo !

**La Chapellerie LEBUR**

et  
**LEBUR-MODES**

Rue Adrien-Dubouché  
LES MIEUX ASSORTIS DE LA REGION